

BESTELAKO XEDAPENAK

LEHENDAKARITZA

4579

EBAZPENA, 2022ko urriaren 18koa, Kanpo Harremanetarako idazkari nagusiarena. Honen bidez, euskal etxeei dirulaguntzak emateko 2022. urteko deialdia egiten da, atzerrian dauden euskal gizataldeetako partaideak diren eta egoera larrian eta asistentzia faltan dauden pertsonen laguntzeko.

Irailaren 30eko 222/2003 Dekretuak (2003ko urriaren 10eko EHAA, 198. zk.) euskal etxeei eman beharreko dirulaguntzak arautzen ditu. Dirulaguntza horiek atzerrian dauden euskal gizataldeetako partaideen asistentzia-premiak eta egoera larriak atenditzeko dira.

Aipatutako dekretuaren 7. artikuluan ezarrita dagoenarekin bat etorriz, 2022ko ekitaldirako dirulaguntzen deialdia egin behar da.

Lehendakaritzaren egitura organikoa eta egitekoak ezartzen dituen urtarrilaren 19ko 5/2021 Dekretuaren 5.2 artikuluan ezarritakoari jarraikiz, Idazkaritza Nagusiei dagokie dirulaguntzen deialdia egitea eta ematea, beren jardun-arloei dagozkien gaietan. Horrenbestez, gaia kontuan hartuta, Kanpo Harremanetarako Idazkaritza Nagusiko titularrari dagokio deialdi hau.

Ondorioz, honako hau

EBAZTEN DUT:

Artikulu bakarra.– Deialdia.

Euskal etxeei 212.000 euroko dirulaguntzak emateko deialdia egitea. Dirulaguntza horiek 2022ko ekitaldiari dagozkio, eta atzerrian dauden euskal gizataldeetako partaideen asistentzia-premiak eta egoera larriak atenditzeko dira. Eranskinean jaso dira horretarako onartu diren oinarriak.

AZKEN XEDAPENETAKO LEHENENGOA

Ebazpen honetan eta irailaren 30eko 222/2003 Dekretuan aurreikusita ez dagoen guztian, Administrazio Publikoen Administrazio Prozedura Erkidearen urriaren 1eko 39/2015 Legea aplikatuko da.

AZKEN XEDAPENETAKO BIGARRENA

Ebazpen honek amaiera ematen dio administrazio-bideari, eta, beronen aurka, aukerako berraztertze errekurtsoa aurkez daiteke, organo berean, hilabeteko epean; edo administrazioarekiko auzi-errekurtsoa aurkez daiteke Euskal Autonomia Erkidegoko Auzitegi Nagusiko Administrazioarekiko Auzien Salan, bi hilabeteko epean. Epeok ebazpen hau Euskal Herriko Agintaritzaren Aldizkarian argitaratu eta biharamunean hasiko dira.

AZKEN XEDAPENETAKO HIRUGARRENA

Ebazpen honek Euskal Herriko Agintaritzaren Aldizkarian argitaratu eta biharamunetik aurrera izango ditu ondorioak.

Vitoria-Gasteiz, 2022ko urriaren 18a.

Kanpo Harremanetarako idazkari nagusia,
MARÍA ÁNGELES ELORZA ZUBIRÍA.

ERANSKINA

Euskal etxeei dirulaguntzak emateko deialdiaren oinarriak. Dirulaguntza horiek atzerrian dauden euskal gizataldeetako partaideen asistentzia-premiak eta egoera larriak atenditzeko dira.

Lehenengoa.– Xedea.

Oinarri hauen helburua da euskal etxeei laguntza ekonomiko zuzenak ematea, euskal gizataldeetako partaideen asistentzia-premiak eta egoera larriak atenditzeko 2022. urtean zehar, betiere irailaren 30eko 222/2003 Dekretuko 2. artikuluan ezarrita dauden baldintzak betetzen badituzte.

Bigarrena.– Zenbatekoa.

Laguntza hauetarako 2022. urteari dagokion zenbatekoa 212.000 eurokoa da.

Hirugarrena.– Eskabideak baloratu eta aukeratzeko irizpideak.

1.– Dirulaguntzak emateko, eskabideetan egiaztatutako egoeraren larritasuna baloratuko da, honako baldintza hauen arabera:

a) Familiaren egoera ekonomikoa, herrialdearen batez besteko errenta kontuan izanik: 5 puntu gehienez.

b) Osasun arriskuaren larritasuna edo muturreko egoeraren larritasuna: 15 puntu gehienez.

c) Egiaztatutako premiari aurre egiteko eskatutako zenbatekoaren egokitasuna: 5 puntu gehienez.

2.– Puntuazioetan berdinketak izanez gero, hauxe egingo da:

– Lehenik, «osasun arriskuaren larritasuna edo muturreko egoeraren larritasuna» irizpidean puntuazio handiena lortu duen eskabideak izango du lehentasuna.

– Bigarrenik, berdinketak jarraituz gero, «egiaztatutako premiari aurre egiteko eskatutako zenbatekoaren egokitasuna» irizpidean puntuazio handiena lortu duen eskabideak izango du lehentasuna.

Laugarrena.– Eskabideak aurkezteko tokia, era eta epea.

1.– Irailaren 30eko 222/2003 Dekretuan eskatutako baldintzak bete eta laguntza hauek jasotzeko interesa duten pertsonak euskal etxeetara jo beharko dute, eskabideak balioesteko eta tramitatzeko. Euskal etxeetako kideek beraien zentroetara jo beharko dute, eta euskal gizataldeetako kideak izan eta euskal etxeetakoak ez direnek beraien lurralde-mugapeko edozein euskal etxetara jo dezakete, edo lurraldean ez badago, bizi diren herrialdean dauden edozeinetara.

2.– Euskal etxeek interesa duten pertsonen eskabideak sinatuta aurkeztu beharko dituzte, atxikitako ereduan ezarrita dagoen modura (www.euskadi.eus/euskaldunak web orrian aurki daiteke) eta bertan eskatzen den dokumentazioarekin, honako helbide honetan:

Kanpo Harremanetarako Idazkaritza Nagusia.

Lehendakaritza.

Nafarroa kalea, 2.

01007 Vitoria-Gasteiz.

Eskabideak, halaber, Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan ezarritako edozein eratan aurkeztu daitezke.

3.– Eskabideak aurkezteko epea hilabeteko bat izango da, ebazpen hau Euskal Herriko Agintaritzaren Aldizkarian argitaratzen denetik kontatzen hasita.

Bosgarrena.– Ebaluazio Batzordea.

Irailaren 30eko 222/2003 Dekretuaren 10. Artikuluan aurreikusita dagoen ebaluazio batzordeko kideak honako hauek izango dira:

– Gorka Álvarez Aranburu jauna, Kanpoan den Euskal Komunitatearentzako zuzendaria, Kanpo Harremanetarako Idazkaritza Nagusiak eskuordetuta. Batzordeburua.

Bokalak:

– Iruñe Muguruza Mendarte andrea, Familia Politikako eta Aniztasuneko zuzendaria, Berdintasuna, Justizia eta Gizarte Politiketako Saila ordezkatzuz.

– Imanol Zuluaga Zamalloa jauna, sailburuaren Kabineteko zuzendaria, Osasun Saila ordezkatzuz.

– Benan Oregi Iñurrieta jauna, Lehendakaritzako Kanpo Harremanetarako teknikaria.

– José Manuel Meaurio Antón jauna, Lehendakaritzako Kanpo Harremanetarako teknikaria. Batzordeko idazkaria izango da.

Seigarrena.– Prozedura ebatzea.

Kanpo Harremanetarako Idazkaritza Nagusiko titularrak ebatziko du deialdia, Ebaluazio Batzordeak egindako proposamena ikusi ondoren.

2022ko urriaren 25a, asteartea

ESKABIDE-EREDUA

1.– Eskatzailearen datuak

Izen-abizenak:		Sexua:
Helbidea:		
Hiria:		Posta kodea:
Herrialdea:		
Telefonoa:		Faxa:
Posta elektronikoa:		
Behean sinatzen duenak eskabide honetan jarritako datuak benetakoak direla adierazten du.		
Eguna eta tokia:		
Eskatzailearen sinadura:		
Familia-unitatea zenbat pertsonak osatzen duten:		
Familia-unitatea osatzen dutenen hileroko diru-sarrerak guztira (moneta nazionalen):		
2022. urte osorako eskatutako dirulaguntza guztira (moneta nazionalen):		

2.– Eskaera abalatzten duen euskal etxeko legezko ordezkariaren edo ahaldunaren identifikazio datuak, eta euskal etxe edo federazioaren banku datuak.

Izen-abizenak:	
Zer den: (legezko ordezkaria edo ahalduna)	
Helbidea:	
Hiria:	Posta kodea:
Herrialdea:	
Telefonoa:	Faxa:
Posta elektronikoa:	
Ordezkatzen duen Euskal Etxea edo Federazioa:	
Izena:	
Helbidea:	
Iria:	Posta kodea:
Herrialdea:	
Telefonoa:	Faxa:
Posta elektronikoa:	

2022ko urriaren 25a, asteartea

Eskaera egin duen erakundearen (Euskal Etxe edo Federazioa) banku datuak:	
	Bankuaren izena:
	Kontuaren titularra (Etxea edo Federazioa, ez pertsona fisiko bat):
	Kontu zenbakia (kode zenbaki guztiak adierazi behar dira):
	Banku-bulegoaren helbide osoa:
<p>Eskatzaileak ez du ez isun administratiborik ez zigor penalik jaso dirulaguntza publikoak eskuratzeko ahalmena kentzen dionik, eta ez dauka horretarako gaitasuna kentzen dion legezko debekurik.</p> <p>Legezko ordezkariak edo ahaldunak eskaera honetan adierazi diren datuak benetakoak direla egiaztatzen du.</p> <p>Eguna eta tokia:</p> <p>Sinadura:</p>	

Aurkeztu beharreko dokumentuak:

- Familia-unitatearen urteroko diru-sarreraren egiaztagiria, eta ezin bada aurkeztu, agintari eskudunak abalaturako zinpeko aitortpena.
- Familia-unitateak dituen ondasun higiezin txostena.
- Euskal gizataldearen partaide dela egiaztatzeko agiria.
- Eskabidea bideratzea dagokion euskal etxeak interesdunaren egoerari buruz egindako txostena.
- Dirulaguntza eskatzen den gastu-kontzeptuen aurrekontua.
- Osasun laguntzetarako eskabideei osasun-ziurtagiriak gehitu beharko zaizkie osasun egoeraren berri emateko eta premia larriko egoera edota osasun asistentziak dakarren gastua justifikatzeko.